

Contas económicas trimestrais de Galicia. Revisión Estatística 2024

Datos correspondentes ao terceiro trimestre de 2025

Data de publicación: 28/11/2025

Principais resultados

- No terceiro trimestre do ano, o PIB avanza un 0,5 % en taxa intertrimestral, unha décima máis que no trimestre anterior.
- En termos interanuais, o crecemento do PIB foi do 2,2 %, catro décimas menos que no trimestre anterior.
- A creación de postos de traballo equivalentes a tempo completo avanzou a un ritmo do 1,4 % en taxa interanual.

1. Produto Interior Bruto en volume

No terceiro trimestre do 2025, o Produto Interior Bruto (PIB) xerado pola economía galega, medido en termos de volume encadeado e con datos corrixidos de efectos estacionais e de calendario, rexistra unha variación intertrimestral do 0,5 % (0,4 % no trimestre anterior). A taxa de variación interanual foi do 2,2 %.

Produto Interior Bruto (PIB) a prezos de mercado. Volume encadeado referencia ano 2020=100. Datos corrixidos de efectos estacionais e de calendario. Taxas de variación


Unidade: porcentaxe

Dato	2024/I	2024/II	2024/III	2024/IV	2025/I	2025/II	2025/III
Taxa de variación trimestre anterior	0,7	0,7	0,8	0,6	0,7	0,4	0,5
Taxa de variación interanual	2,3	3,0	3,2	2,8	2,9	2,6	2,2


Fonte: IGE. Contas económicas trimestrais ([descarga da táboa](#)).

PIB. Taxas de variación interanual

Unidade: porcentaxe


PIB. Taxas de variación intertrimestral


Unidade: porcentaxe


Fonte: IGE. Contas económicas trimestrais ([descarga da táboa](#)).

A demanda interna contribuíu con 1,9 puntos porcentuais ao crecemento interanual do PIB galego, un punto menos que no trimestre anterior. Por outra banda, a contribución da demanda externa ao crecemento mellora, sendo positiva (0,3 puntos) fronte á contribución negativa (-0,3 puntos) do trimestre precedente.

Evolución do PIB en volume e contribucións da demanda interna e da demanda externa

Unidade: taxas de variación en porcentaxe e contribucións en puntos porcentuais


Fonte: IGE. Contas económicas trimestrais ([descarga da táboa](#)).

No terceiro trimestre do 2025, todos os compoñentes pola vía da demanda rexistran taxas positivas.

O gasto en consumo final dos fogares e a formación bruta de capital crecen menos que no trimestre anterior. O gasto en consumo final aumenta un 1,2 %, (2,5 % no segundo trimestre) e a formación bruta de capital aumenta un 3,2 %, (5,8 % no trimestre precedente).

Por outra banda, o gasto das Administracións públicas medra a un ritmo do 3 %, superior ao 2,4 % no trimestre anterior.

En relación ao sector exterior, as exportacións de bens e servizos presentan unha taxa interanual do 2,1 %, e as importacións medran un 1,6 %.

Compoñentes do PIB pola vía da demanda. Volume encadeado referencia ano 2020=100. Datos corrixidos de efectos estacionais e de calendario. Taxas de variación interanual

Unidade: porcentaxe

Compoñentes	2024/I	2024/II	2024/III	2024/IV	2025/I	2025/II	2025/III
Gasto en consumo final	3,9	1,8	2,5	2,8	1,5	2,5	1,7
Gasto dos fogares e ISFLSF	2,7	0,6	1,6	1,7	1,1	2,5	1,2
Gastos das AA.PP.	7,1	5,3	5,0	5,9	2,6	2,4	3,0
Formación bruta de capital	-0,2	-0,8	2,4	3,8	1,1	5,8	3,2
Demanda interna (en termos nacionais) (*)	3,1	1,3	2,4	2,9	1,4	2,9	1,9
Exportación de bens e servizos	0,9	4,8	4,0	2,8	1,4	-1,5	2,1
Importación de bens e servizos	2,3	2,1	2,6	3,0	-1,2	-1,0	1,6

Fonte: IGE. Contas económicas trimestrais ([descarga da táboa](#)).

Nota: (*) Contribución ao crecemento do PIB.

No que respecta á oferta, aumenta o Valor Engadido Bruto (VEB) de todos os grandes sectores de actividade agás do sector primario.

O VEB das ramas primarias rexistra unha taxa de variación interanual do -0,4 % (0 % no trimestre anterior). Pola súa parte, o VEB da industria medra un 3,3 %, sendo a taxa no trimestre precedente do 2,4 %. O VEB do sector da construción medrou 1,1 puntos máis que no trimestre precedente, ao presentar unha taxa do 7,6 %. O sector servizos rexistra unha taxa do 2,1 % (2,8 % no trimestre anterior).

Compoñentes do PIB pola vía da oferta. Volume encadeado referencia ano 2020=100. Datos corrixidos de efectos estacionais e de calendario. Taxas de variación interanual


Unidade: porcentaxe

Compoñentes	2024/I	2024/II	2024/III	2024/IV	2025/I	2025/II	2025/III
VEB. Agricultura, gandería, silvicultura e pesca	4,3	4,0	1,4	2,9	2,8	0,0	-0,4
VEB. Industria	4,4	4,3	5,1	-0,5	1,5	2,4	3,3
VEB. Construción	2,9	4,9	4,5	6,8	5,5	6,5	7,6
VEB. Servizos	1,7	2,8	3,1	3,5	3,3	2,8	2,1
Impostos netos sobre os produtos	0,8	-0,2	0,7	1,2	0,8	0,1	-1,2

Fonte: IGE. Contas económicas trimestrais ([descarga da táboa](#)).

Evolución do valor engadido bruto por sectores. Volume encadeado referencia ano 2020=100. Datos corrixidos de efectos estacionais e de calendario. Taxas de variación interanual

Unidade: porcentaxe



Fonte: IGE. Contas económicas trimestrais ([descarga da táboa](#)).

2. Produto Interior Bruto a prezos correntes e deflactor implícito

No terceiro trimestre do 2025, o PIB valorado a prezos correntes e con datos corrixidos de efectos estacionais e de calendario, rexistra unha variación interanual do 4,9 %, sendo esta variación 0,6 puntos inferior á rexistrada no trimestre precedente.

A variación intertrimestral do PIB a prezos correntes sitúase no 1,2 % (1,1 % no trimestre anterior).

Pola súa parte, o deflactor implícito do PIB medrou un 2,6 % neste trimestre.

3. Emprego e produtividade

Os postos de traballo equivalentes a tempo completo rexistran un crecemento interanual do 1,4 %, variación semellante á rexistrada no trimestre anterior.

Postos de traballo equivalentes a tempo completo e horas efectivas. Datos corrixidos de efectos estacionais e de calendario. Taxas de variación interanual

Unidade: porcentaxe

Dato	2024/I	2024/II	2024/III	2024/IV	2025/I	2025/II	2025/III
Postos de traballo equivalentes a tempo completo	2,1	1,5	1,4	1,4	1,1	1,4	1,4
Horas traballadas	2,2	0,5	0,8	0,4	0,0	0,6	1,0

Fonte: IGE. Contas económicas trimestrais ([descarga da táboa](#)).

As horas traballadas aumentan un 1% en taxa interanual no terceiro trimestre (0,6 % no trimestre anterior).

Considerando de forma conxunta o crecemento do PIB trimestral e o do emprego, a produtividade aparente real por posto de traballo equivalente a tempo completo medrou un 0,8 % neste trimestre, mentres que a produtividade por hora traballada incrementouse un 1,2 %.

4. Notas metodolóxicas

As [Contas económicas trimestrais](#) son unha estatística de síntese de carácter conxuntural. O seu obxectivo primordial é proporcionar unha descrición cuantitativa e coherente do conxunto da actividade económica galega. Con esta finalidade, elabórase un cadro macroeconómico que ofrece o ritmo de crecemento do PIB galego e das súas compoñentes.

Esta actividade é unha réplica trimestral simplificada das [Contas económicas anuais](#) que, pola súa maior frecuencia de elaboración, permite o seguimento conxuntural da actividade económica. Estas estimacións axústanse aos mesmos principios de coherencia e equilibrio contable que as contas de frecuencia anual e, por conseguinte, ao marco do Sistema Europeo de Contas 2010 (SEC-2010). Pódese dicir que as Contas económicas trimestrais supoñen un compromiso entre o rigor e a amplitude das Contas anuais e a rapidez e oportunidade dos indicadores conxunturais.

As utilidades concretas das Contas económicas trimestrais de Galicia son as seguintes:

- Medir a evolución da economía no tempo de forma continua e coherente.
- Incrementar a calidade do sistema estatístico conxuntural.
- Dado o seu carácter sintético e integrador, identifica carencias, suxire cambios e propón un marco de referencia común, susceptible de utilización por estatísticas dispares.
- Permite estimar modelos econométricos trimestrais, útiles na análise de políticas económicas e na previsión.

5. Definicións, fontes e máis información

Definicións

- [Definicións](#)

Máis información:

- [Contas económicas trimestrais. Revisión Estatística 2024. Oferta, demanda e rendas](#)
- [Contas económicas trimestrais. Revisión Estatística 2024. Emprego](#)
- [Contas económicas trimestrais. Revisión Estatística 2024. Indicadores derivados](#)
- [Principais indicadores económicos de Galicia](#)
- [Matriz de revisións das taxas de variación do Produto Interior Bruto](#)